

lebih baik dari segi prasarananya serta kawasan persekitaran yang lebih kondusif untuk pelajar antarabangsa.

Katanya lagi, kemudahan DPP yang sedia ada sekarang ini, keadaannya sudah agak lama berikutan bangunan itu dibina pada tahun 1990-an dan perlu dibaik pulih agar lebih selesa.

Beliau berkata, demikian dalam Majlis Berbuka Puasa Bersama Pelajar Antarabangsa anjuran Pusat Hal Ehwal dan Kerjasama Antarabangsa (CIAC) di Pusat Kegiatan Pelajar, di sini, semalam.

Selain itu, katanya, pelajar antarabangsa di universiti ini juga akan diberi biasiswa untuk meneruskan pengajian di peringkat Sarjana dan PhD.

"Mereka layak menerima biasiswa mesti memenuhi beberapa syarat antaranya, mesti menghabiskan pengajian dalam tempoh masa yang ditetapkan iaitu satu atau dua tahun di peringkat Sarjana dan tiga tahun di peringkat PhD," katanya.

Mustafa berkata, pelajar-pelajar antarabangsa yang berjaya menamatkan pengajian di peringkat PhD juga ditawarkan menjadi pensyarah di universiti ini dan mereka yang mempunyai Sarjana pula ditawarkan menjadi tutor melalui skim yang disediakan.

"Mereka yang layak dan berminat boleh mula mengisi dan menghantar borang permohonan di kolej masing-masing," katanya.

Katanya lagi, pihak UUM sedang mempergiatkan usaha untuk meningkatkan jumlah pelajar peringkat Sarjana sehingga mencecah 9,000 hingga 10,000 orang atau sebanyak 40 peratus selain menambah jumlah pensyarah luar negara sehingga 120 orang.

Jelasnya lagi, tindakan ini diambil bagi merealisasikan matlamat UUM untuk menjadi Universiti Pengurusan Terkemuka dan Universiti Penyelidikan.

Turut hadir pada majlis itu, Timbalan Naib Canselor Penyelidikan dan Inovasi, Prof. Dr. Abdul Razak Salleh, Penolong Naib Canselor UUM CAS, Prof. Madya. Dr. Suhaidi Hassan, Penolong Naib Canselor UUM COB, Prof. Dr. Mahamad Tayib dan Pemangku Pendaftar, Mohamad Akhir Yusuf.

=====

DARIPADA:

UNIT KOMUNIKASI KORPORAT
UNIVERSITI UTARA MALAYSIA
TEL.: 04-928 3007/3014/3066/4078
FAKS: 04-928 3016
E-MEL: prouum@uum.edu.my